



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXXV.

urn:nbn:de:hbz:466:1-29452

sed solum primùm querere regnum Dei & iustitiam eius, &c.

Magna gloria nobis est, quòd sumus & dicimur filij Dei: Homines plurimùm mirantur & extollunt filium principis, diuitis, aut regis potentis: maior gloria hæc est, quoniam filij Dei sumus: ideò inquit 1. Ioan. 3. Videte qualem charitatem ostendit nobis pater noster Deus, vt filij Dei nominemur & simus, propterea mundus non nouit nos, quia non nouit eum: Charissimi, nunc filij Dei sumus, & nondum apparuit quod erimus &c. 1. Ioan. 3. Sic Ioan. 1. dedit potestatem filios Dei fieri his, qui credunt in nomine eius. Ad illam igitur magnam gloriam promouet nos Fides, vt nominemur & simus filij Dei. Igitur si Christiani apud mundum sunt despecti atq; spectaculum, 1. Corint. 4. sunt tamen filij Dei, & primè Tim. 4. In hoc enim laboramus & maledicimur, quia speramus in vnum Deum, qui est seruator omnium hominum, maximè fidelium. Et quoniam filij Dei propter fidem Christi facti sumus, ideò maximè cauere debemus peccata, ne transgrediamur præcepta patris: plurimùm enim grauat peccatum, si quis in Deum peccauerit, sicut docuit Heli filios suos, 1. Reg. 2. Si peccauerit vir in virum, placari ei potest Deus: Si autem in Deum peccauerit vir, quis pro eo orabit? Pudeat ergo maledicus, adulter, vsurarius, fornicator, ebriosus &c. qui ita pessimè viuunt, quandò dici volunt filij Dei.

ET IN IESUM CHRISTUM
filium eius vnicum, Dominum
nostrum.

CAPVT XXXV.

ARGVMENTA.

1. Quòd

1. *Quòd credere debemus, quòd Christus sit filius Deus verus, vnicus & naturalis.*
2. *Quòd Christus sit Dominus noster.*
3. *Quarè vocatur Iesus Christus filius Dei.*



I.

Mnes credere tenentur Iesum Christum esse verum filium Dei, sic enim ait Ioan. 1. In principio (scilicet, quandò Deus creauit creaturas, iam) erat verbum: & hoc erat ab eterno apud Deum & Deus erat verbū: omnia quoq; p hoc verbum creata sunt. Sic Ioan. 10, ipse Christus dicit, Ego & pater vnus sumus, in natura scilicet, & Ioan. 14. Philippe, qui videt me, videt & patrem meū: & iterum, si credideritis in Deū, & in me credite: ergo & Deus, & 1. Ioā. 5. Hic est verus Deus & vita æterna, & ad Hebræ. 1. vocat Apostolus filium splendorem patris & figuram substantiæ eius. Totum Euangelium D. Ioannis & vbiq; scriptura probat, Christum esse filium Dei & verum Deum: ideò hoc credentibus promittitur vita æterna: Ioan. 17. Hæc est vita æterna, vt cognoscant te solum verū Deum, & quē misisti Iesum Christum. Damnati ergo sunt omnes Iudæi, qui negant Christum esse filium Dei, & etiam dicunt illum esse peccatorem, Ioan. 9. & Samaritanum, Ioan. 8. ideò dicit illi Christus: si non creditis, quòd ego sum verus Deus, in peccatis vestris moriemini, Ioan. 8. Sic Photinus hereticus, dicebat Christū esse sic filium Dei, quæ admodum sunt omnes sancti viri & homines, qui bene viuendo per adoptionem efficiuntur filij Dei, sicut dicitur Matth. 12. qui fecerit voluntatem patris mei, qui in cœlis est, ipse meus frater &c. At scriptura dicit, quoniam natus est nobis saluator Christus vnicus D E I filius, plures sunt filij adoptiui, & vnus naturalis & consubstantialis: & ideò dicitur vnus, quia solus

Lucæ 2.

solus ipse est naturalis filius Dei: Nos quidem per fidem efficiamur filij Dei, Ioan. 1. scilicet adoptiui. At Christus est natura filius Dei, inquit Augustinus. sic quoque damnantur Arriani negantes Christi diuinitatem: Primus igitur Articulus fidei de Christo, est, ipsum credere esse verum & vnicum naturalem & cōsubstantialem filium Dei: & qui de hoc dubitat, damnabitur.

Dicitur Christus & est Dominus noster, quia nos acquisiuit precio suo sanguine: eramus enim propter peccatū sub Dominio Sathanæ, qui dicitur princeps huius mundi, & regnum habet tenebrarum: at Christus sua morte vicit Sathanam, & spoliū eius diripuit, Lucę 11. & sic eripuit nos de potestate tenebrarum, & transtulit in regnum filij dilectionis suæ, in quo habemus remissionem peccatorum & redemptionem: non igitur sumus nostri iuris: nam magno precio empti sumus, 1. Corint. 6. & Dominus est nobis factus Christus, qui dedit semetipsum pro nobis, vt redimeret nos ab omni iniquitate, & purificaret sibi populum acceptabilem, sectatorem bonorum operum, ad Tit. secundo cap. Sic enim scriptura dicit: Christus mortuus est & reuixit, vt & viuētibz & mortuis dominaretur, Roma. 14. Et Psalm. 8. Gloria & honore coronasti eum, & constituisti &c. Sic quoque sanctus Thomas Ioan. 20. inquit: Dominus meus & DEVS meus, vtrunque naturam confessus: Dominus, quia redemptor à Dominio Sathanę: Deus autem, quia creator. Igitur sub illo Domino nostro Iesu Christo militamus & viuimus, & Diabolo ac pompis eius in Baptismo valediximus. Habet enim Christus regnum fidei, in quo vt Dominus præfidet super fideles, & illis distribuit dona ac protegit, donec omnis principatus euacuabitur & patri reddatur, 1. Corin. 15. Propter illum Dominum nostrum Iesum Christum pater nos iustificat, & miseretur, & pec-

2.

Coloss. 1.

& peccata condonat, Actorum 10. Preces exaudit, Ioan. an. 16. & vitam donat æternam, Ioan. 3. Igitur quicquid petierimus, hoc in nomine Domini nostri Iesu Christi petamus. Magna igitur consolatio turbare cōscientiæ est, scire & agnoscere Christum Dominum nostrum & ad eum potentem, quod vicerit peccatum, Sathanam & mortem: ad eum fortem, quod de omni periculo nos saluare poterit: ad eum gratum patri, quod omnes sibi subiectos & fideles in æternum seruare vult: Est igitur Dominus nomen potentiæ ac regiminis, vt sese consolentur fideles. Sic dicebat Dauid Psal. 26. Dominus illuminatio mea & salus mea: à quo trepidabo? Dominus protectio vitæ meæ, &c. Et Psal. 22. Si ambulauero in medio vmbre mortis, non timebo mala, quoniam tu mecum es Deus. Et quoniam Christus nos è regno Sathanæ liberauit, & in regnum suum posuit, ideò est Dominus noster.

3. Cōmunissima nomina quæ habet filius Dei, sunt Iesus Christus, & hoc propter duo officia & opera quæ fecit & adhuc quotidie facit pro nobis: primum intercedens pro nobis apud Patrem orat, & officium sacerdotis facit, ideò Christus vnctus dicitur: deinde quod quotidie propter nomen suum, quia credimus in illum, ideò saluamur, & ob id Iesus, id est, Saluator, dicitur. Et primò tametsi Christus semel sacerdotale officium exercuit in cruce, semel se pro peccatis nostris offerens patri hostiam immaculatam, Hebræ. 5. & 7. quo vnico sacrificio nos reconciliauit patri, sacerdos tamen dicitur in æternū Psal. 109. quia quotidie apparet vultui Dei pro nobis, Hebræ. 9. & ideò in cœlum ascendit, vt pro nobis oret, scilicet vt distribuatur nobis virtus istius sacrificij, vt pater propter ipsum nostrum misereatur, & condonet peccata, nos iustificet & purget à peccato. Et ideò dicitur Christus, quia noster vnicus mediator est, 1. Tim. 2. & sacerdos, quia pro nobis patrem exorat: & nisi illi sacerdo.

sacerdotem, hoc est, exoratorem, unctum Christum haberemus apud patrem, quis posset subsistere à tyrānide Diaboli, peccato, &c? Quoties igitur nominamus eum Christum, hoc credimus, speramus & cupimus, ut patrem nobis reconciliet, ut propter illum nobis pater faueat ac misereatur, ne quotidiana nostra peccata nos priuent salute: ideò propter hoc officium sacerdotis apud patrē dicitur Christus, id est, unctus: sacerdotes enim & Reges ungebantur quondā: sic Christus à Deo unctus, nobis est perpetuus sacerdos. Sic etiam dicitur Iesus, quod idem est quod Saluator: ita angelus dixit rationem nominis, Mat. 1. inquit: Vocabis nomen eius Iesus, quia ipse saluum faciet populum suum à peccatis eorum: nullus enim alius est saluator generis humani, nisi Iesus, sicut Petrus Apostolus inquit Actuum 4. Non est aliud nomen sub cœlo, in quo oporteat nos saluos fieri, nisi in nomine Iesu, &c. Et quamuis semel passus sit mortem, qua nos omnes redemit, quotidie tamen adhuc distribuitur efficacia illius credentibus, Ioan. 3. ut omnis qui credit in eum, non pereat, sed habeat vitam æternam. Quotquot ergo saluantur, virtute illius mortis Christi, qua salutem meruit nobis omnibus, saluantur: ideò dicitur Iesus, id est, Saluator, ut quoties hoc nomen dico vel audio, ut salutē cupiam propter illum Iesum. sic quoties audio Christum, toties cupiam eius preces ad patrem pro iustificatione mea & remissione à peccatis: & ita quotidie orat & saluat: & ideò dicitur Iesus Christus: sunt quoque alia nomina filij Dei, quæ videas Esa. 9. vbi dicitur princeps pacis, pater futuri seculi &c.

*QUI CONCEPTVS EST DE
Spiritusancto, natus ex Maria
virgine.*

X

CA.